

許至磁窯口兩岸峭削如門大類劍閣諸峽泉流峽中奔
瀉湍如建瓴而北爲神川川之東鑿石壘途草橋木磴
又大類連雲諸棧上有石窟架閣猶餘橫木數千蠡剝欲
盡傳者以爲宋初把守三關處也西峽在磁窯峽西南
三十里王濬初天賜禪林記恒山下爲大峽乃燕趙所
由路循峽而南三十里與燕趙路岐轉入西峽爲天賜溝
兩山壁立罅處如巨靈斧劈狀繇陜徑直上百弓許至山
腰稍阜爲石窟窟高數十丈縱倍之橫又倍之中有古剎
顏曰天賜禪林

亂嶺口關城東四十里恒山左脇路通廣靈明洪武七年置
巡檢司後裁亂嶺關堡

大寨頭關城東南一百一十里東南連紫荊關明洪武九年